

DEO MODERATORE.
DISSERTATIO GRADUALIS,
De
**NUTRIMENTO
PLANTARUM,**
Qvam,

Consentiente Ampl. facult. Philos. in Regia ad
Auram Academia,

P R A E S I D E
C A R O L O F R I D .
M E N N A N D E R ,

Scient. Nat. PROFESSORE Reg. & Ordin.

Die XXIII. Junii, Anni MDCCXLVII.

Publicæ bonorum censuræ submittit

G A B R I E L A R E N I U S
OSTRUBOTNIENSIS.

Loco horisqve ante merid. consuetis.

ABOÆ, Excid. JOH. KIÆMPE, Reg. Acad. Typogr.

Sacra. Regiae. Majestatis.

MAGNÆ. FIDEI. VIRO.

Perillustri. Ac. Generosissimo.

DOMINO.

DN. GUSTAVO. ABR. PIPER.

Provinciarum.

Ostrobothniæ. Et, Cajanaburgensis.

Gubernatori.

MÆCENATI. MAXIMO.

Quem. Invito Ado

Genius. Excellens.

Virtutesque. Ipsi. Respondentes.

Tam. Institae. Quam. Adscitae.

Ex

Exornant.

Quos.

Probi. Omnes.

Mirantur. Exosculantur.

Ostrobothnia. Inprimis. Nostra.

Loquetur. Colit. Veneratur.

Quem.

Patriae. Cives. Singuli.

Communi. Animi. Adfectu.

Amant. Desiderant. Aſtimant.

Et.

Tanquam. Civium. Patrem. Exoptatissimum.

Laete. Praedican. Celebrant.

Cui.

Se. Suaque. Omnia.

Tanto. Propensius. Concredunt.

Quanto. Certius. Conſat.

Illum.

Singulis. Aque. Favere.

Nec. Cuiquam. Patrocinium. Negare.

Jus. Fasque. Et. Perspicue. Intueri.

Et. Fortiter. Tueri.

Principis. Jura. Sine. Privatorum Injuria.

Sustinere.

Non. Praeſeffe. Modo. Sed. Et. Prodeſſe.

Hunc.

Tenuis. Mea. Quoque. Minerva. Colit.

Hujus.

Gratiae. Se. Devote. Commendat.

Unde. Splendorem. Omnem.

Expectat. Sperat. Efflagitat.

Hoc,

Hoc.
Patriae, Jubar. Et. Fulcrum.
Conservet.
Supremum. Numen.

Ult.
Sub. Auspiciis. Ejus.
Ostrobothnia, Nostra, Diu, Florest.
Ita.
Uovet. Exoptat. Adprecatur.

PERILLUSTRIS. Ac. GENEROSISSIMI.
NOMINIS, TUI.

Cliens. Humillimus.
GABRIEL ARENIUS.

S:æ R:æ M:is
MAGNÆ FIDEI VIRO,
Summe Reverendo atque Celeberrimo,

D. ANDREÆ
BERGIO,

S.S. Theol. DOCTORI, Ecclæ S:t Nicolai ANTISTITI,
PASTORI inter Holmientes PRIMARIO longe dignis-
simo, Consistorii ibidem urbici PRESIDI
Gravissimo,
MÆCENATI MAGNO.

Q^{uod}ties animum subit meum pia recordatio TUI, MÆ-
CENAS MAGNE, favoris, TUÆque in me munifi-
centiae, toties Divinam gratiam cernuus exosculor, TUAM-
que bonitatem laetus admiror & depraedico. Habui namque
in TE non modo Inspectorem & studiorum Promotorem gra-
vissimum, sed Patronum quoque & Nutritum propensissi-
mum. Cujus tot in me existant favoris documenta, ut tan-
quam mancipio TIBI obstrictus sim. Anxie vero cir-
cumspicio, quod potissimum ratione id efficiam, ut dignes
tantorum beneficiorum aëstimator videar. Cunque desint
mihi omnia, quodibus obligationis meæ nomina dissolvere
valerem, ut tamen aliqua parte se exsereret pietas mea,
tenues

tenues basce de nutrimento plantarum meditationes TUO
potissimum . NOMINI, MÆCENAS MAGNE , dicandas
atque inscribendas duxi. Suciarias, quaeo, solita benigni-
tate hoc verae in TE pietatis specimen, leve quidem istud,
sed ejusmodi tamen, ut praestantis a me proficisci neque-
at. Praetet TIBI supremum Numen, MÆCENAS MA-
GNE , longum optatumque vitae curriculum , ut Ecclesia,
Respublica, Familia Nobilissima, Clientesque omnes de TE
sibi quam diutissime congratulari queant! Ita animo, quam
verbis, prolixius voreret, & ad cineres usque voreret

CELEBERRIMI NOMINIS TUI

ODIORUM ITAVZORUM

XXXVII. DEPOTISSIMUS CULTOR
G. A.

Admodum Reverendo atque Amplissimo Domino,

Mag. CLAUDIO HEDMAN,

PASTORI Ecclesiarum Valens. meritissimo, vicini di-

strictus PRÆPOSITO gravissimo, Scholæ Triv. ibi-

dem INSPECTORI adecuratissimo,

Patrono nullo non tempore venerando.

Spectatissimæ Fidei ac Dignitatis VIRO,

Dn. MARTINO RIVELL,

Geometræ in Sudermannia Ordinario, Avunculo

honoratissimo, indulgentissimo.

VIRO Plurimum Reverendo atque Praeclarissimo,

Mag. ESAIÆ FELLMAN,

Rectori Scholæ Triv. Valens. dexterissimo, ut ante

has Informatori fidelissimo, ita & nunc Fautori

astutissimo.

Vobis, Fautores perbenigni, Tibique, Avuncule indulgen-
tissime, opusculum hocce, in pietatis, observantiae &
grati animi tesseram, una cum perenni voto pro incolumi-
tate vestra, offert, seque Vestro favori in posterum, qd fuc-
re potest, animi contentione commenat

Nominum Vestrorum

Cultor Eumillimus

G. A.

SUMMA THAM

Fratri suo germano


Cl. Dn. CANDIDATO

GABRIELI ARENIO

S. & O.

Habetur & est sane magna felicitas, a quibus vitam post Deum acceperis, diu habere superstiles; non tam eam ob caussam, ut rem custodiant familiarem, eamque augeant, quam ut filiorum educationem sollicite current & promoveant. Nobis, mi Frater, una contigit fors, ut parente orbaremur optimo, tempore, quo nos literarum primis elementis imbuendae eramus, & Musæ nostræ quam maxime parentis nutricta cura habuissent opus. Tibi vero, Frater dilectissime, ex animo gratulator, quod S. Numinis nutu, fata nostra quam sapientissime dirigente, ea nactus sis subsidia, quæ ipsi necessaria sunt, qui ad virtutem & sapientiam aspirat: ingenium, amicos benignos, fautores, promotores & alia adjumenta in arduo illo philosophie curriculo. Neg, vulgarem Tui expectationem commovisti. Testatur enim præsens hocce specimen graduale, Te non segniter & literis humioribus, & studiis philosophicis operam navasse. Ut sol plantam fovet, & illa nutrimentum suum omne ex larga cœli benedictione, mediantibus effluviis regni tum mineralis, tum vegetabilis, tum animalis colligit: Sic Tu quoque, Frater optime, divina spe cognitionem indefesso studio e nature & scriptura libro hauisti laudabilem, communis superiorum calculo approbatam; quam atiis candide & probe communicando, Te indefessum & fidem Deo, Ecclesie, Reipublicæ, & bonis omnibus exhibebis. VALE!

MART. ARENIUS.



§. I.

Summa atque luculentissima infinitæ Creatoris sapientiæ, potentiæ & bonitatis indicia in hoc potissimum eluent, quod divinæ voluntatis nutu, per efficacissimum FIAT, totum hunc mundum non modo produxit, variisque eum exornavit corporibus, verum cuique etiam horum nutrimentum, naturæ cuiuslibet congruum, simul paravit ac obtulit. Corpora, quæ globum hunc terraqueum habitant, ejus sunt indolis ac naturæ, ut sine nutrimento quodam vitam producere nequeant. Adeamus nosmet ipsos, nostramque originem ac incrementum inspiciamus. Annon omnes uno comedique cibo, lacte, primo nutrimur? Quæ & quot in proiectiori ætate nostra nobis naturæ regna communicant nutrimenti genera? Quam lauta mensa & multifaria ciborum potu-

A

Iens

3

lentorumque varietas nobis est parata, quæ non
indigentia modo, sed etiam oblationi no-
stræ, sufficit? Intueamur animalia reliqua, &
ipsa nobis significabunt, de illorum etiam nu-
trimento naturam providam gessisse curam. Plan-
tas quoque sapientissime sustentat Summum Nu-
men, per succum earum nutritum, qui ~~in~~
terra præparatur, iisque ostertur. Componun-
tur hæ ex partibus firmis & fluidis, motum-
excentibus, & nutritionis negotio intervienti-
bus, haud secus ac animalia. Illa ramen organismi,
præter alias diversitates, in utrisque est differentia,
quod plantæ habeant radices suas extra se positas,
& terræ, matrici suæ, infixas, per quas alimen-
tum hauriunt. Corpus vero animale possidet
intra se radices, nulli corpori adhærentes. Sed
intra uterum plantæ non erat absimile; per fu-
nem enim umbilicalem placentæ tum annecte-
batur, cuius ope materiam sui incrementi a
matre obtinuit. Interviunt quoque res creatæ
in eo sibimet invicem, quod regnum naturæ
unum alteri per continuam quandam mutua-
tionem nutrimentum sponte quasi sua communi-
cet. Terra & mineralia nutriuntur ab elemen-
tis, vegetabilia e terra hauriunt nutrictum,

suc-

sucum, & hæc cedunt animalibus in pabulum. Sed mox in pristinum statum per continuum circulum omnia redeunt (a). Hæc perpetua mutuatio in caussa est, cur tot ac tantis totius universi incolis nullo non tempore nutrimentum suppetat. Videmus itaque, quam ad sustinenda singula, quæ creata sunt, Deus adhibeat sapientiam ac bonitatem. Quid hinc, nisi veneratio Summi Numinis, ac immensa gratitudo nostra? Nihil sane nos rationales magis afficere potest aut debet, quam pia horum magnalium consideratio. Hoc motivo etiam nos excitati, de nutrimento plantarum leviora quædam in medium proferre constitutus; quæ tuo jam benigno, b. l. subſiciuntur oculo.

(a) Jorden är plantans föda, plantan matskens, matsken foglens, och foglen östa rosfjurers; åter förtåres på slutet rosfjuret af roffgolen, roffgolen af matsken, matsken af örten, örten af jorden: Ja, menniskan som alt vänder til sin nödtorste, blifver östa rosfjurers, roffgolens, roffskens, matskens och jordens föda. Så går alt i kring. LINNAEI Tal om märtæ wårdigheter uti insecteræ.

§. II.

PEr plantas intelligi omnes regni vegetabilis incolas, vel omnia ea, quæ vivunt, nutritiuntur & propagantur, non autem sentiunt,

hodie notissimum est. E variis iisque artificio-
cissimis partibus hæc ipsa composita videmus;
qvarum aliquæ, ut radix, caulis, folia, nu-
tritioni eorum inserviunt & vitæ conservationi;
aliæ, flos nimirum & fructus, propagationi
corundem & speciei perpetuitati sunt dicatae. Vi-
ta plantarum in propulsione humorum spontanea
vel ab intra promanante, collocari solet. Prima-
ria vero illa organa, qvæ actionibus earum vi-
talibus sunt destinata, & modum, quo hæ exle-
runtur, breviter erimus visuri. Oriuntur vege-
tabilia ex semine, tangam ovo suo, quo o-
mnia, etiam minutissima, instrueta sunt. Hoc
casdem fore continent partes ac animalium o-
va; reperimus enim ibi non vitellum modo,
sed & membranam id involventem, & testam
exteriorem. Hilum vel punctum vitæ etiam in
aliquibus conspicuus est, & in reliquis jure cre-
ditur adesse. Deest ex partibus integrantibus o-
vi in semine plantarum albumen, utpote quo
non egerit, humidæ quippe matrici committen-
dum, qvare etiam idem apud aquæ incolas,
pisces, desideratur. Hoc ipsum semen matu-
rum, terræ commissum, humore per poros
accepto, sensim intumescit, & ampliatur ger-
men,

men, donec demum, fractis tunicis, plantæ primordia erumpant. Sunt hæc folia seminalia, quæ tenerrimæ plantulæ alimento parant & subministrant, donec adultior firmiores in terram egit radices, & potest quasi embryo quidam ablactari; tum, hæc ipsa decidunt, nullum amplius usum exhibitura. Exsurgit ita sensim omnibus partibus organicis constans planta. Radice, quæ primo omnium emititur, loco natali adjungitur. Est hic terra communiter. Nonnullæ tamen plantæ vel in aquæ superficie natant, vel saxorum fragmentis, vel arboribus adnascuntur, quæ ultimæ ideo epidendræ solent vocari. Nonnullæ etiam alias saltim amplectuntur. Immo, nullum fere corpus esse, cui plantæ non innascantur, recentiorum industria invenit. Supra radicem exsurgit plerumque caulis, aggregatum vasorum per radices antea dispersorum, singularis & variæ in diversis plantis structuræ. In caule excrescunt rami, fissæ & multiplies ejus partes, quæ sunt quasi radices novæ, per truncum in unum antea collectæ, jam vero a se invicem in aëre divisæ. His plantarum folia, flores ac alia ornamenta adhærent. Folium est pars plantæ extrema, quæ canit

eam ornat, nutrit, obumbrat. In eo etiam caulem, medium ejus penetrantem, virgulas ab utroque latere expansas, fibrillulasque vario plexu reticulato reptantes, qvarum interstitia utriculi complent, observavit *Thümigius* (b). Qvare etiam ex foliis arbores nonnulli produxerunt. Habent plantæ porro alias appendices, & partes excrescentes, qvas vero prolixum es- set recensere. Tandem flores emergunt, qui peracto per stamina & pistilla generationis ne- gotio, decidui fiunt, relinquentes vel semina nuda, vel fructus seminibus fœtos, & ita na- turam opus suum in perficienda planta absolvisse testantes. Constant vero radix, truncus & rami ex cortice materiæ spongiosæ, ligno, qvod ex tenuibus filis retis instar complicatis construitur, & medulla denique, qvæ conge- ries est vesicularum. Et componuntur tam hæ qvam reliqvæ partes plantæ ex fasciculis diversi generis fibrarum & fistularum, qvarum aliquæ secundum longitudinem vegetabilis continuantur, aliae transversim eunt. Nonnullæ aërem continent, tracheæ dictæ, aliæ succiferæ, ex- que diversi generis, sunt. Adest præterea in plantis glandularum, utricularum, membra- narum

narum; aliarumqve machinarum stupendus apparatus. (c)

(b) Von den bäumen, welche aus blättern auferzogen werden, in ejusd. Versuch einer gründlichen erläuterung der merkwürdigsten begebenheiten in der natur. pag. 101. 1c^o.

(c) Conf. Malpighi & Grewii anatomias plantarum, Levenhœkium, Halesium, Wolfium, &c.

§. III.

Est harum in vegetabilibus partium illa insides & constructio, ut dum glebis terrestribus, plurimis intersticiis repletis, qvæ humore turgent, insident, possit humor fistulas aëre repletas non intrare modo, sed etiam ibi adscendere, ceu in tubulis capillaribus fieri videmus. Ne vero iis contentus aér comprimatur, & elasticitatem exserat, sunt orificia tubulorum superiora in plantis quoqve aperta, & tum pori dicuntur, microscopio facile visibles, per quos etiam ros & pluvia possunt extrinsecus se in plantas insinuare. Cumqve altitudines fluidorum in tubulis capillaribus habeant se inverse, ut eorum diametri, & hi ipsi in plantis sint subtilissimi, optimo microscopio non seorsim sed fasciculatum visibles, non mirum est, ad insignem aliquando altitudinem in arboribus fluidum elevari. Non adscendere tamen

tamen solum in vegetabilibus succum, sed etiam descendere, & in circulum orbemque redire, ut in animalibus fieri consuevit, probabiliter colligunt naturae scrutatores, non ex analogia modo, & similitudine partium in regno animali & vegetabili, sed etiam ex necessitate præparationis & distributionis alimenti. Idem ex experimento probare annituntur; lecto enim in orbem cortice arboris, ita ut pars superior ab inferiori aliquantum distet, prior una cum ligno subjecto aliquamdiu capit incrementum, inferior vero pars nullum. (d) Unde quoq; adscensum succi per ligneam partem fieri, ex descensu vero incrementum crassitiei oriri concludunt. *Halesius* tamen circulum humorum in vegetabilibus non contemnendis rationibus in dubium vocavit. Hoc ita humorum nutrimentum per plantæ partes singulas promovetur, in utriculis glandulisque caloris & aëris ope præparatur, secerniturque, ita ut cuique parti suum appropriatum nutrimentum subministretur. Partes supervacuae per orificia valorum in superficie plantarum, per pilos aliosque ductus excretarios, avolant, tenaciores vero & graviores remanent, se tangunt, cohærent, exten-
dunt

dunt plantam secundum omnem dimensionem,
& augent ejusdem gravitatem.

(d) Vide plura circa hanc rem experimenta in von
Vallemont merckwürdigkeiten der natur und kunst. p. 100. &c.

§. IV.

A Nequam vero, quodnam sit nutrimentum plantarum, proprius considerare possumus, utile est observatu, unicum illud & commune omnibus esse. Ex una enim eadem que terra quodlibet vegetabile excrescere potest, modo accedat caloris & humoris gradus conveniens. Et quamvis terram ex variis materialiis compositam esse lubentes largiamur, & ipsi in sequentibus ostendamus; non tamen hoc diversitatem nutrimenti ipsarum plantarum evincere, probant insitiones, dum ramo unius arboris alteri diversæ speciei immisso, naturæ suæ conveniens nutrimentum ramus capit, & tantum abest ut degeneret, ut potius leviores ferat fructus. (e) Nullibi stupenda naturæ varietas magis apparet, quam dum ex unico hoc nutrimento tot differentes successos exprimit, non in diversis modo plantarum speciebus, sed etiam in una eademque planta. In acetosa acidus, in absinthio acerbus, in fico dulcis,

B

dulcis, in *Salicornia herbacea* fatus, in *cucurbita* insipidus adest succus; in *Cicuta venenatus* gignitur, in aliis antidotum. In *rosa lata*, in *allo graveolens* preparatur odor. Hic succus, tanquam Prometheus quidam, varias formas induit, jam lignum & corticem efformat, jam flores & fructus producit. Et haec omnia diversa in diversis plantis efficit. In unica quoque planta tot saepe diversi colores, odores, sapores oriuntur, quot ibi sunt partes. Ita in aloë succus radicis & foliorum amarus est, florum autem dulcis. Hanc differentiam a cuiuslibet plantæ vel partis singulari fermento ornam asserebant antiquiores; rectius tamen a va- lorum differentia, & facta in iis varia succorum filtratione & secretione, potissimum deducitur.

(e) In terra, cuius pondus cum aqua, quam ipsi plus via per quatuor menses largitur, vix. 20. libras efficit, 40. o genera plantarum adolescunt. Ponamus, *salia* & *sulphura*, quæ cuiilibet plantæ insunt, 3. uncias æquare. Si singulæ plantæ peculiarem materiam adsciscant: terra dicta 1200. uncias - 750. lib. complectatur necesse est. WINCKLERI, instit. Mathematico physica §. 1834.

§. V.

Quænam vero sit illa materia, unde nutri-
men-

11

mentum suūm hauriunt vegetabilia; de eo in
varias naturalis Philosophiae Doctores abire senten-
tias reperimus. Qvi Cl. Helmontii & Boilei ni-
tuntur experimentis, micram & solam aquam
nutriendis plantis sufficere afferunt. (f) Aquam
vero nullam tam claram puramqve reperimus,
qvin particulis heterogeneis sit imprægnata;
qvod qvisqve experiri facili potest negotio; si
enim vale qvodam optime operto eam reserva-
re velit, post aliquot dierum moram particu-
las terrestres præcipitatas, fundumqve tegen-
tes, suis lustrabit oculis. Nec terreas has par-
ticulas, qvæ aquæ insunt, esse homogeneas,
sed salia qvoqve & olea continere, eo tutius
dicere possumus, qvo certius constat, hæc
terræ intime esse unitæ. Si nihil qvoqve aliud,
quam simplex aqua, plantas aleret, tum co-
loribus nullis, odoribus aut saporibus, super-
bitre possent. Extendere qvidem potest aqua
partes, sed non incrementum iis adferre.
Hinc planta aquatica lagenæ inclusa tanto ma-
gis dat salis & olei, qvanto limosior est aqua
astuta. Tuto itaqve concludere possumus, a-
quam esse qvidem vehiculum nutrimenti, &
plantis nutriendis conducere, non solam tamen

illis sufficere. Neque aer plantas nutrit, quamvis aqve ac aqua illarum inserviat sustentationi. Hic progressui humorum faverit, & preparat nutrimentum in partibus plantarum, haud aliter ac sanguinem animalium in pulmonibus; immo, cum nunquam aqua & variis terreis particulis careat, potest, dum plantas intrat, eorum nutritioni inservientes partes secum eo deferre. Salibus quoque, & in primis nitro, nonnulli omnem fere adtribunt plantas nutriendi vim. Eo tamen minus plantae iis unice ali possunt, quo certius constat, radices earum nimio & crudo tale consumi penitus ac emori. Hinc inspergebatur olim urbibus eversis, in perpetuæ, ut communiter putatur, sterilitatis signum. Potuit tamen hæc consuetudo ex avario fertilitatem designare, segetes nimirum ibi in posterum futuras, ubi hadenus Troja stetit, & moenia ædesque conspectæ sunt. Hoc experientia edocit novimus, talia aliqua & incrementum numeru multum conferre ad incrementum plantarum, & præterquam quod constitutionem earum ingrediantur, reliquum etiam nutrimentum aptum reddere ad subeunda valorum ostia. Calori autem solis plurimum
hac

hac in re tribuunt. Hoc certum est, nullam plantam sine calore vivere posse, et si non eundem gradum omnes reqvirant; novimus enim, singulas climati attemperari sue. Hinc vero non sequitur, plantas calore nutriti, sed rationi magis conveniens est, qvod is nutrimentum plantarum præparet modo, aptiusque reddat, veluti de aëre dictum est, nihilque præterea ad ipsius naturam ac materiam faciat. Terram quoque pro nutrimento plantarum præcipuo habent multi Philosophantium, atque hoc quidem recte, si modo adtendant, non omnem nec solam terram posse adterre incrementum plantis, nisi fuerit probe subacta & salino lixiviosa, qvod ex modo adducendis patebit.

(f) Helmontius duobus centupondiis terræ in fornace probe arefactis, vas fistile implevit. Huic truncum salicis quinque libras pondere æquante implantavit, & quotidie terram hanc aqua pluviali vel destillata rigavit. Erat vas solide clausum, nequid novæ terræ adveniret. Peracto vero quinqvennio arbustulam libris centum sexaginta novem & unciiis tribus respondentem obtinuit, non computatis foliis, qvovis autumno deciduis. Iterum terram exsiccavit, quam ejusdem fere ponderis, duabus saltim desideratis unciiis, reperiit. Simile quid Boyleus etiam cum Indica specie peponis cito crescente, expertus est.

Postulat iam ordo & rubrum opellæ reqvi-
rit, ut in nutrimentum plantarum, vel
materiam illam, qvæ plantis unita, incremen-
tum ipsis adfert, paulo curiosius inquiramus.
Vala, aqua plena, qvæ, evaporationem non
permittunt liberam, materia quædam viridis
in fundo & parietibus vestit. Hac woodvardus
plantas nutriti contendit (g) Qualis vero sit il-
la terra, qvæ aqua mixta & soluta succum-
constituit plantarum nutritium, id hactenus o-
ptime lustravit. Joh. Ad. Külbel. (h) Hic ter-
rae fertilis portionem aqua calida elixavit, &
extractum saepius filtravit, qvod concentratum
erat lixivium obscure bruneum, cuius superfi-
cies cuticula, qualem ostendunt lixivia salina
sub evaporatione, erat obducta; multum vero
terrae subtilis & unguinozæ lateri vitrorum ad-
hæsit. Ad siccitatem vero evaporatum hoc ex-
tractum dedit magma unguinolo salinum. Quo
fertilior est terra aliqua, eo magis subtilis hu-
jus materiæ continet. Distillationi e cucurbita
subjœcta, transfudit primo phlegma, deinde li-
quorem flavescentem odoris empyreumatici &
graveolentis. Reliquit in fundo terram levem,

spon-

spongiosa, qvæ plerumq; portiunculā salis mediū, interdum nitrosi, interdum alcalini continebat. Succus ergo nutritius vegetabilis secundum illum continet præter aquam, unam circiter partem salis, & qvinqve vel sex terræ subtilis ungvinosæ, hoc est, non actu pinguis aut oleosæ, sed qvæ esset lubrica, levis & aliquantum glutinosæ, principium pinguedinis vel olei, qualem relinquent olea, pinguedines & resinæ post deflagrationem. Hec materialiter, sal autem instrumentaliter incremento vegetabilium inserviret, dum hic dissolvit terram, ut tubulos minutissimos vegetabilium subire possit, & particulas pingues, aquæ consortium alias respuentes, cum illa intime unit & combinat. Non itaque omnis terra aqua mixta ac soluta plantis esse potest nutrimento, sed admodum subtilis, pinguis ac oleosa, qvæ salinas continent insuper particulas. Ex ipsa etiam substantia plantarum jam perfectarum comminuta, coctaque, post evaporationem prodire tale extractum bruneum, & magma lubricum, quale inerat terræ, idem auctor invenit, post calcinationem vero sal & terram levem spongiosam remanere. Hinc itaque, quasi per probâ calculi constare posse judicat, unde ab initio sint compositæ.

(g) Unum vitrum angusti colli fontana, alterum pluvia, tertium fluviali aqua impedit. Erant vero omnia aequalia, & ejusdem fornæ. Die 20. Julii singularis mentham immisit per exiguum foramen, & unico collo pergamenta. Die 5. Octobris illam in fontana 15. in pluvia 17 $\frac{1}{2}$ inque fluvialili 26. granis auctam reperit. Illo vero tempore maximam ponderis partem aqua pluvia, fluvialis minimam amiserat. Aliis va sculis itidem clausis aquam pluviam & fontanam includit, absque vegetabili ullo. In iis exigua aquæ imminutio, sed major copia materiae viridis, quam in prioribus conspiciebatur.

(h) Vide ejus Dissertat. quæ questionem Physicam, quænam sit causa fertilitatis terrarum pertractavit.

q. VII.

Apparet ex hactenus allatis, quidnam illud sit, quod, accedente caloris & humoris beneficio, plantas nutriat, & terræ fertilitatem conciliet, justa nimirum portio subtilissimæ hujus terræ salino ungvinose. Dispiciendum jam nobis est, quomodo sterilia loca, quibus non tanta suppetit nutrimenti materia, quanta plantæ ad vitam suam opus habent, fecunditatem possint obtinere. Ad duo momenta rem redire pater ex antecedentibus, ut nimirum ad subtilitatem redigantur terræ particulae, utque salino pinguis sint mixtionis. Inter terrarum species humus atra, quæ ex solutione

lutione vegetabilium & animalium ortum du-
 xit, hæc reqvisita maxime possidet, unde et
 iam, ratione & experientia præludente, plantis
 nutriendis est convenientissima. Cum autem
 & hæc tractu temporis exhauriatur, duplice
 potissimum ratione, hujus fecunditatem con-
 servari, & reliquarum terræ specierum adauge-
 ri posse adparet, diligentii nimirum & impigra-
 sèpiusque repetita aratione & occasione, dein
 de saturatione agri pinguis & salinis. Terra
 enim annuo suo sumtu non sufficere potest,
 nisi nova ipsi accedat nutrimenti materia. Ad-
 miniculis vero his præterim indiger illa, qvæ
 agriculturæ est destinata, qvæque humano ar-
 tificio adigitur ad alendas plantas, qvas spon-
 te non proferret. Omnes eæ huic fini inter-
 vire possunt regni animalis & vegetabilis re-
 liquiæ, qvæ salina ac oleosa in se continent,
 postqvam resolutorio putrefactionis motu com-
 pedibus suis crassioribus liberatae sunt. Harum
 tamen omnium simo nihil est aptius, in qvo,
 vel solo, vel una cum sceno, stipulis ac foliis
 putrefacto, partes adsunt solutæ ac tenuissimæ,
 atqve cum oleofis ac salinis particulis intime
 unitæ. Præterea limus paludum & lacuum,

ligna putrida & cineres, calx viva, & aliæ res analogæ in emendanda agrorum sterilitate multum conducunt. Medium tamen hac quoque in re tenendum est, ne quid vel nimis vel perparum agatur, & ut castigetur terræ tum sterilitas tum luxuries, novimus enim utramque plantis nocere. Neque minus agrorum fertilitati conduit, quod annuo interdum spatio inculti jaceant, ut defatigatas vires suas rursus reficiant, & ex stipitibus, radicibus & plantis tempore feriationis putrescentibus restitutionem pinguedinis obtineant. Terra itaque hisce saturata modis, plantis denuo e sinu suo sponte offert ac communicat, quæ ipsa acceptit. Nec ulla unquam tam sterilis dari potest terra, quæ non arte ac cura excoli queat, quamvis negare non audeamus, unam majus temporis spatium, plus laboris ac maiores impensas requirere quam aliam. Cum autem non semper aut ubique tanta suppetat fimi copia, quæ omnis ager saturaretur, & hic sit sumtuosus & prolixus labor, laudanda est etiam eorum opera, qui absque ambagibus de semine ipso, terræ committendo, suginando potissimum cogitationem suscepérunt, idque vel per seminum

num macerationem variam, & artificioam imbibitionem, effectui dare volunt, vel etiam ita, ut cuilibet semini materia nutrimento ejus inservitura circumdaretur. (i)

(i) Conf. Rei agrariæ scriptores passim & acta A. R. S. S. anni 1740. pag. 469. seq.

§. VIII:

PAtriam nostram vexari sæpius annonæ caritate non absqve singulari dolore persentiscimus, & annis etiam fertilibus ingentem frumenti & fructuum copiam ab exterorum exspectare manibus. Erraret, qvi climatis duritiei, & naturæ cœli soli que, hoc in solidum adscriberet. Testatur enim experientia, frigoris vim, cui præcipue solet culpa hujus mali imputari, variare sub eodem gradu elevationis, pro ratione culturæ, & aliarum circumstantiarum, & aërem pati majorem anomaliam, quam solis vicinia aut distantia poscere videtur. Ita Naso littoris Euxini frigora flebili descripsit carmine, Ausonius vero Aquitaniæ suæ, eidem subjectæ sideri, breves laudat facilesque hyemes. Peruvia ob optimam cœli temperiem ab Acosta laudatur. Potosia ejusdem regio metallitera, trigida dicitur. Brasilia in altero littore perpetuis ardoribus torretur. (k) Surinama ob aëris intemperiem & infalubritatem a Gallis primo, deinde etiam ab Anglis derelinquebatur. Batavi vero, excisione silvarum ac plantationibus, eandem fertilissimam & habitabilem reddiderunt, (l) Domestica etiam testatur

tur experientia, agros, qvibus situs favet, probe & rite cultos, rarissime aut nunquam spem coloni fallere, & illas cœli injurias sustinere, qvibus macriores succumbunt. Si itaqve paludes & stagnantes aquæ, præsertim illæ, qvæ agris adjacent, exsiccarentur, silvæ etiam fronditeræ cerealibus vicinæ exscinderentur, hæ enim hospitium frigori præbent, & segetibus noxias effundunt evaporationes, nulli dubitamus, qvin adhibita simul debita in arando & terram pinguefaciendo industria, incolis suis sustentandis abunde sufficeret patria tellus. Majorem vero copiam subsidiorum ad conciliandam terræ nostræ fertilitatem, nobis, quam aliis gentibus, suppeditat gregum & armentorum per plures anni menses in stabulis asservatio, in mediterraneis locis silvarum, céspitum limique, in maritimis vero fucorum & algarum copia.

Utinam vero bona illa omnia rite cognosceremus, & in usus nostros impigre convertereinus, qvæ larga manu concessit nobis supremum Numen.

(k) Mundt novum Physicæ lumen p. m. 23.

(l) Hollands Stats och Commercie spiegel, andra delen p. 10. icq.

S. D. G.

